



● EDITORIAL ● RAL VENGTU ● CHHUNGKAW CHANCHIN

✦ SEC Vawi 247-na thurêl thenkhat
✦ Kristian Tlangâu, Kristian Naupang leh Synod Newsletter
✦ Testimonial lehkha hman dân

RNI 68092/83 Regn. No. N.E. 1024

From

Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD Newsletter

Volume XXVII

No. 363

E-mail : synodnews@gmail.com

DECEMBER, 2013

AIZAWL THEOLOGICAL COLLEGE DAY HMAN A NI

November 22, 2013 (Zirtawpni) khân Aizawl Theological College Day chu ATC Centenary Building Quadrangle-ah ropui taka hman a ni. He hun hi Rev. Lalramliana Pachau, Moderator, Mizoram Presbyterian Church Synod chuan a kaihrui a; thupui sawitu chu Rt. Rev. Bishop Nelson Lakra, Moderator, Gossner Evangelical Lutheran Church, Assam and Jharkhand, Chairperson, Commission on Tribal and Adivasi, NCCI a ni.

Synod Moderator-in ñanna hun a hman zawhah, 'Aw nang kan Lal, kan Pathian,' tih hla sak a ni a. Chumi hnuah Rev. Prof. Vanlalchhuanawma, Principal ATC, Secretary, Synod Theological Education Board chuan College chanchin tlangpui a sawi a. A thusawi aþanga a lan dânin ATC dinhmun tlangpui chu hetiang hi a ni:

Synod Theological Education Board	
Member zât	- 18
Zirtirtu awm zât	
(Zirna sâng bei mêk chhiar telin)	- 33
Thawktu dang zawng zawng zât	- 29
Zirlai zât:	
Doctor zirlai (Christian Theology)	- 1
M.Th. II	- 11
M.Th. I	- 25
B.D. V	- 25
B.D. IV	- 30
B.D. III	- 25
B.D. II	- 24
Special (qualifying for B.D.)	- 1
Zirlai mipa zât	- 130
Zirlai hmeichhe zât	- 12
Zirlai zawng zawng zât	- 142

Kumina College Day thupui chu "Tribal and Adivasi: Challenges to Traditional Eco-Culture Life and Building Sustainability: A Theological Perspective" (India rama tlangmite leh Adivasi-ten an nunkhawchhuah nâna chhehvel thilte an en dân Pathian thu aþanga thlîrna) lam hawi a ni ber a. Bishop Nelson Lakra hi National Christian Council of India-a tlangmite leh Adivasi-te dinhmun zirchiangtu (Commission)-a an hotu ñanglai mêk a ni a. A thusawi tlangpuiah chuan hêng tlangmite (Mizote pawh huamin) leh Adivasi-te hi India rama hnam hnufual zînga chhiar an ni a. Mahse, thilsiam dangte an dimdawi thiamin an dam khawchhuahna atân an dah pawimawh hle a. Chutih

mêk lai chuan ram hmasâwnna atâna hmalâkna leh 'changkâna' atâna thilsiamna leh sumdâwnna ten a chawkw buai hle. An pi leh pu chena an ram lo ni sa, an eizawna hmun ramngawte chu chhuhsak leh tihchereusak an ni. Hêngte hi Pathianin khawvêl a siam dân nen a innil lo va. Thilsiamte chungathuneihna Pathianin mihringte a pêk khân tichhe tûr ni lovin, awpkhâwma enkawl tûr zâwkin a dah a ni. Hetiang thlîrna thar hi kan neih loh chuan kan khawvêl hi a chhe zual zel ang a, tlangmite leh Adivasi-te hi an rethei tial tial ang. Thilsiam khawvêl dimdawi taka enkawl hi tlangmite leh Adivasi-ten a nachâng an hriat hi Pathian thu nen a inrem a, kan hmasâwnna tura kan hmalâk mêkah pawh hian entawn an phû a ni," tih a ni.

He ATC Ni lawmnaah hian zirlai tiþha zualte lawmman sem a ni a. An exam hnahnung bera marks chawhruala 65 (65%) hmu phâk zirlai 64 te hnênah 'Proficiency Prize' lawmman pêk an ni a. Hêng bakah hian subject hrang hranga tiþha zualte lawmman chi hrang hrang 16 dawngtute hnênah pêk an ni bawkw. Lawmmante hi Rev. Lalzuthanga, Executive Secretary i/c Theological Education chuan a sem a. College zaipawlpui, zirlai zawng zawng huap zaipawlin hlapui mawi takin an sa a. Rev. Dr. C. Lalhlira'n lawmthu a sawi a, "Aw Lalpa Chungnungber kan fak hle a che," tih sak zawhah Synod Secretary Rev. H. Lalrinmawia'n Malsawmnain inkhawm a khâr ta a ni.

ATC hian hma a sâwn hle a, BD zirna bâkah M.Th. zirna pawh subject paruk: Old Testament (Thuthlung Hlui); New Testament (Thuthlung Thar); Christian Theology; Religions; History of Christianity; Missiology-ah te hawn a ni a. Doctor zirna, New Testament, Christian Theology leh Missiology-ah te hawn mêk a ni bawkw. Kumin aþang khân Bishop's College, Kolkata nen zirlai intirh tawn (exchange programme) an hman ñan a. Kohhranhote ñahnemngaihna leh inpêkna azarah College ñangduang tak kan nei a, thawktute, zirtirtute leh office-a thawkte inpêkna avangin hma a sawn zel a, a lawmawm hle.

SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlungnunga (KCN)

Editorial

RAM HMANGAIHTU DIK

Lal Isua khân hmêlmapa Setana ram la lêt leh tûrin vân ropuina a kalsan a, ran thlêngah a lu nghatin a tâwpah kraws-ah a nun a hlân a. Hei hian hmangaihtu dik a nihzia a lanfîr Chiang hle mai. Mahatma Gandhi-a pawh khân India ram a hmangaih avângin a tuar nasa hle a, a thih pawh khân ro khâwm tûr thil lian tham a nei lo a ni âwm e. Kan President hlui, Abdul Kalam pawh kha President chenna in a chhuahsan ni khân bungrua tih tham chhuahpui tûr a nei lo an ti.

Ram tin hian hmangaihtu dik an mamawh a. Ram tâna nun pêk ahnêka a thau sawh tum tlathote hi ram hmêlma an ni. Ram hmangaihtu dik tak chuan a tuar a, a chhân phah hial thîn. Inthlan hmasaka kan candidate te sum neih zât leh kum nga a vei hnua an sum neih zât târ lan te hi thenkhat chu a pung nasa hle mai! America President 35-na John F. Kennedy-a khân, “ ‘Ka ram hian eng nge min tihsak theih ang?’ ti lovin, ‘Ka ram tân hian eng nge ka tihsak theih ang?’ kan ti zâwk tûr a ni,” a ti a. Kan ram hruihute hian eng rilru puin nge ram hi kan kaihhruai le?

KUM THAR (2014)-A ZIR TÛRTE

Puitling Sunday School zir tûr ‘Ephesi, Philippi, Kolossa & Philemona,’ a ni a. Rev. Dr. Vanlalchhuanawma, Principal, Aizawl Theological College zia a ni a, a man ₹ 80 a ni.

Nilai leh Beihruai Thupui ‘Kristian Nun’ tih a ni a. Rev. C. Sangliana zia a ni a, a man ₹ 70 man a ni.

SEC VAWI 247-NA THURÊL THENKHAT

Synod Executive Committee vawi 247-na chu November 12–14, 2013 khan J.M. Lloyd Hall, Synod Office-ah thut a ni a, member 146-ah 129 an kal thei. Thurêl thenkhat, kohhran mite hriat tur âwmte hetiang a ni:–

1. Kohhran pathumin an kohhran hming thlâk an duh thu an thlen a; an duh angin kohhran hming thlâk remtihsak an ni. Hetiang hian–

(1) Hmarphei Presbytery chhûnga *Vervek Kohhran* chu **Damdai Kohhran** tia thlâk a ni.

(2) Aizawl Chhim Presbytery chhûnga *Tlângnuam Vêngthar Kohhran* chu **Tlângnuam South Kohhran** tia thlâk a ni.

(3) Barak Area chhûnga *Joynagar Kohhran* chu **Hadabma Kohhran** tia thlâk a ni.

2. Senior Executive Secretary, Rev. Vanlalzuata chu 2014 aţanga pension-a a kal dâwn avângin Executive Secretary post pakhat a ruak dâwn a; hemi atân hian Rev. Lalramliana Pachau thlan a ni a, hei hi Synod-a chhawp chhuah a ni ang.

3. Synod Inkhâwmpuia inpalai tawna aţanga palai lo kal (Fraternal delegate) zînga PCI General Assembly palaite Mizoram Synod-in a dawnsawn dân en thât rawtna Zoram Pâwn Presbytery (ZPP) aţangin a lût a; hetiang hian rêl a ni–

(1) Synod Inkhâwmpui palai chhiarnaah ‘General Assembly Hotute’ tia head hrana dah ni se.

(2) A remchân dân angin Inkhâwmpui Programme-ah thu sawina hun pêk ve thinnise.

4. Testimonial Certificate pêk dân en thât rawtna ZPP aţanga lût pawh ngaihtuah a ni a, “Testimonial Certificate Form hi inang tlânga kan hman theih nân Kohhranhoten Synod Office-ah a Form lam ni se,” tia rêl a ni.

5. Mizoram chhûnga chhiatna/vânduaina a lo thlena Synod-in tanpuina a pêk dân en thât

rawtna Tawi Presbytery aţangin a lût a, “Relief atân budget-ah sum tam zâwk dah ni sela, Relief kan pêkna *rate* pawh en thât ni se, OM-in lo en thâ sela, SEC-ahrawn thlen leh se,” tia rêl a ni.

6. Pastor Quarters sign board inang tlânga hman rawtna Serlui Presbytery aţangin a lût a, an rawt angin “ziak dân leh background pawh inang tlânga kal chu a thain kan hria a, OM-in hman nghal turin lo ruahman rawh se,” tia rêl a ni.

7. Aizawl West Presbytery aţanga thu lût, Vaivakâwna Family Guidance & Counselling Centre (FG&CC) hawn belh rawtna leh FG&CC 64:3-a rêl anga Vaivakâwn leh Champhaia FG&CC hawn belh rawtna chu ngaihtuah a ni a. Counselling Centre pantu an lo tam zêl avâng leh a mamawhtuten awlsam zâwka an pan theih tûra Centre hawn belh chu thâ tih a ni a; Vaivakâwn leh Champhaia Counselling Centre hawn chu remti a ni. A tûl angin FG&CC-in lo bawhzui se, tih a ni.

8. Kohhran thil pawimawh chhinchhiah thinte a riral mai loh nân leh vawn him a tûlzia inhrilh hre tûrin Synod Archives lamin Synod hnuaia Department head leh Office Assistant koh khâwm an duh thu an thlen angin koh khâwm remti a ni a, Archives Sub-Committee bawhzui tûra dah a ni.

9. Presbyterian Handbook chu huam zau zâwka ennawna kum 2014-a chhuah tûra tih a ni.

10. Kum 2016 Nilai leh Beihruai Thupui atâna thlan, “Mihring leh a nihna” zia a tûrin Rev. Dr. Lalchungnunga, Zârkawt ruat a ni.

11. Mizoram People Forum Governing Board member atân Rev. Dr. R.

Phêk 4-naah zawm a ni




RÂL VÊNGTU

Krismas boruak tem tûr a neih beiseiin ni chhuak sârah nu leh paho sâwm rual vêl chuan Râl Vêngtu awmna lam an pan dam dam a. An va thlen chuan Râl Vêngtu chuan lâwm takin a lo dawngsawng a. A kalho zînga a chal chang ber chuan Krismas lawm chungchânga an rilru put hmang tûr thurâwn pe tûrin a ngên a.

Râl Vêngtu chuan, “Khaw pakhtah hian an lalpain fapa duhawm tak a nei a. A lâwm tûrin khuua mite lêngkhâwm an sâwm a, lêngkhâwm an tam bâkah an zai tui a, an lâm nasa hle bawk a. Khua a lo vâ chuan, khawiah nge maw kan nau lawm bera chu le tiin an han zawng a. Tuium hûnna bulah hian an lo chîl hlum dêr mai a. Nangni pawh in lawm chhan ber theihngih hian a behbâwm vêlah hian in lo tui vak palh ang a, **Nausên Isua** in lo chîl hlum ve dêr palh ang e! In lawm chhanah chiang ula, a behbâwmah in hmang zo vek lo vang che u,” tiin Krismas an lawm huna an rilru put dân tûr a lo hrih a. Hlâwk inti takin an tîin leh ta a.

KRISTIAN TLANGAU, KRISTIAN NAUPANG LEH SYNOD NEWSLETTER

Mizoram Presbyterian Kohhran Chanchinbu – **Kristian Tlangau**, Kohhran chêt vêl dân leh Kohhran inzirtîrna thu pawimawh tihchhuah thîinna hi Presbyterian Kohhran chhûngkaw tinin an lâk theih nân a chhut man aia tlâwmin a lâk man bi thliah a ni a, phêk 48-a thla tina chhuak hi kum khat lâk man ₹ 50 chauh a ni. Mizoram Presbyterian Church Synod Organ a nih avângin a lâk manin a chhut leh thawnna a daih lohna pawh Synod-in a phuhrûk mai thîin. Kohhran chhûngkaw tin dêng kim se, tih hi a enkawltute duh dân a ni a; a la la lo, la thar tûr chuan mahni a w m n a K o h h r a n a Agent-te hnênah hriattîr ni se a



TESTIMONIAL LEHKHA HMAN DÂN

Kan Kohhran hian kan Kohhran mite dinhmun hriattîrna lehkhâ (Testimonial letter) kan nei a. He lehkhâ hi tute emaw, member an nihna Kohhran aţanga eng emaw ti hun chhûng hmun danga awm tûrte kan pe chhuak thîin a, annin an va awmna tûr Kohhranah an pe lût thîin.

Testimonial lehkhâ hi Kohhran leh Kohhran indâwrna thilah chauh hman tûr a ni a, mimal hamthatna thilah emaw, politics thila infak mawi nân emaw hman a rem lo va. A hmanna tûr dik taka kan hman dân pawhin a form awm sa baka recomment-na thu ziaak belh loh tûr a ni ang.

Lalramliana Pachau
(REV. LALRAMLIANA PACHUAU)
Moderator
Mizoram Presbyterian Church Synod

Synod Newsletter chhiartu zawng
zawngte Krismas leh Kumthar
hlîm taka in hman theih nân
duhsakna chibai kan bûk a che u.
- Editor & Staff SL&PB

lâwmawm hle ang. Kohhran thenkhat chuan la thei lo chhûngkua lâksakin chhûngkaw tin thleng kim tûrin hma an la hial! Kohhranin an hlâwkpu ngei a beiseiawm hle.

Kristian Naupang Chanchinbu pawh kum 12 lai phêk 16-a tihchhuah thîin kha tûnah chuan a lêta tipungin phêk 32-in thla tin chhuah a ni ta zêl a, tleirâwl (teenager)-te tâna chhiar tûr tam zâwk dah a ni ta bawk. Taksa leh rilru lama thang m ê k t e n u n kaihhraina tha tak tak chhiar tûr a awm reng. La thar tûr chuan mahni awmna K o h h r a n a Agent-te hnênah hriattîr ni se a lâwmawm hle ang. Kum khat lâk man ₹ 50.



SYNOD HOSPITAL, DURLÂNG OCTOBER, 2013 CHHUNGA THILPÊK DAWNTE

I. CHARITY FUND

1. Sarah L. Pachau, Zârkawt	₹ 10,000/-
2. Pi Thantluangi, Zârkawt	₹ 1,000/-
3. Pu Chalnehkima, Vênglui	₹ 2,000/-
4. Marpara PHC Staff	₹ 2,000/-
5. Pi Lalchungnungi, Tuikhuahtlâng	₹ 3,000/-
6. Vairênte Kohhran	₹ 10,000/-
7. Ngopa Bial Kohhran Hmeichhia	₹ 950/-
8. Pu K.Lalênga & Fly, Zemabâwk	₹ 1,000/-
9. Pu Lalnunsânga, Durlâng Kâwn Vêng	₹ 1,000/-
10. Saikhamakâwn Kohhran	₹ 10,000/-
11. ITI Vêngchhak Kohhran Hmeichhia	₹ 18,000/-
12. Ramhlun Vêngthlang Kohhran Hmeichhia	₹ 5,000/-
13. Dr. H. Lalrinchana & Fly, Durlâng	₹ 5,000/-
14. Hunthar Kohhran, Hmunhmêltha	₹ 5,000/-
15. Lily Vêng Kohhran, Châltlâng	₹ 50,000/-

II THISEN PETE

UNIT PEK ZAT

1. KTP, Chawhmun Branch	40
2. NSS, Govt. Châltlâng HSS	67
3. KTP, Chawnpu Branch	62
4. KTP, Bethlehem Vênglai North Branch	35
5. KTP, Bethlehem Vêngthlang Branch	30
6. KTP, College Veng Branch	27
7. KTP, Aizâwl Branch	37
8. KTP, Kâwnpu Chhim Vêng Branch	34
9. KTP, Tuikhuahtlâng Branch	29

III THIL DANG PETE

1. YMA, Chanmari West Branch	Mitthi khuhna puan 20
2. KTP, Sevênphûl Branch	Hmunphiah 21
3. N. Bûkpui Bethel Kohhran Ramthar Committee	Thutthlêngsei 5

Khawngaihna leh duhsakna avânga kan Lalpa Isua Krista hminga thilpêk min petu zawng zawngte hnênah kan Lalpa Isua Krista hmingin lâwmthu kan sawi tak meuh meuh a nie.

Sd/-
REV. C. LALBIAHLUNA
Chaplain, Synod Hospital.

REV. DR. H. SANGKHÛMA HNA THAR

Presbyterian Church of Wales Ministries Board-in Life and Witness Officer pahni a ruat thar zîngah Mizoram Synod aţanga Missionary, Rev. Dr. H. Sangkhûma a tel. A hma khan Assistant General Secretary hna a chelh thîin a ni. A thawhpui tûr hi Rev. Nan Wyn Powell Davies a ni. Life and Witness Board hi tun hmaa Mission Board tih thîin kha a ni a; Rev Sangkhuma hian Candidates and Training, Ecumenical & Worldwide church leh Spirituality Department te a enkawl dân a, Presbytery pahni (kohhran 87 awmna)-ah Mission Enebler a ni zui zêl bawk ang.



Chhungte Kohhran chuan Dt. 19.Oct. - 3. Nov. 2013 chhûng khân Pu F.Hmingthansanga, Milungngaite Thian Team speaker-a hmangin Chhandamna Camping an nei a, Pathian Thlarau Thianghlím hnathawh ropui tak an dawng. Camp-ah hian mi 114 lai an lût a, Kohhran pàwl dang aṭang pawhin eng emaw zatin an rawn chhim a, Kohhranhote an hlím an lăwm hle.

Lungpuizawl Kohhran chuan Dt. 19. Oct. - 3. Nov. 2013 chhûng khân Pu Lalsangzuala Ngente, Ebenezer Revival Team speaker ruaiin Camping chhâwng hnih leh naupang Lâng Camp an nei. Lungpuizawl Kohhran hi 1993-a ding niin camping an vawikhat neihna a ni a, Kohhran mipuiin an hlutin Pathian Thlarau Thianghlím hnathawh ropui tak a thleng. Tisa leh Thlarauah Pathian tihdamna ropui tak dawngin an inhria a, an lăwm hle.

Damparengpui Kohhran chuan Dt. 9-17 Nov. 2013 chhûng khân Pu Lalsangzuala Ngente, Ebenezer Team speaker ruaiin Camping chhâwng hnih an nei a. Pathian hnathawh ropui tak mai, tisa leh Thlarau damna an dawng a, zeng te kein an kal a, rilru lama rual ban lo ten damna changin natna hrang hranga nâ ten damna an chang a, Kohhranhote an hlăwkpu hle.

Selesih Kohhran chuan Dt. 19.10.13 - 10.11.13 chhûng khân Tv. R.Lallungmuana, Synod Revival Hebron Team Speaker ruaiin camping chhâwng thum leh naupang Lâng camp tûm hnih an nei a. Camp-a lut ten siamtharlehna leh harhthama changin Pathian fakin an lăm nasa hle a, Kohhranhote an hlím hle.

E. Lungdar Venghlun Kohhran October 16, 2013- November 1, 2013 chhûng khân Upa Sanglianthanga leh a thianta ruaiin camping chhâwng 3 an nei a, Biak In thleng tawh ngailo ten Biak In te thleng lehin, ringtu ngui leh chauten lăwmna thar neiin Kohhran hovah harhthama ropui tak thlengin Kohhran hote an lăwm hle.

Khawruhlian Kohhran Centenary Dt. 6 - 8.Nov. 13 chhûng khân Khawruhlian Kohhran chuan an Kohhran kum 100-na (centenary) an lăwm a. Centenary thupui atan 'Kan hnêna Pathian awm,' (Mt. 1:23) tih an hmang. An Kohhran aṭanga chhuak Rev. LB.Pachau-in Centenary lungphun a hawng a, an Kohhran aṭanga chhuak tho Rev. C.Chawngliana'n Souvenir a tângzarh a, Thlarau lam thupui a sawi baw.

Centenary Project atan Sunday School Hall ṭha tak RCC in an sa a. Biak In thar ṭha tak kum 2010 khan an sa zo tawh baw. Kum upa, kum 70 râl kâi chinte hnênah chawimawina thilpêk an pe vek baw. Centenary lawmna ruai an buatsaih a, an veng chhûnga kohhran pàwl dangte an sawm vek a. Aizawl leh hmun dang aṭangin mikhuah 150 vel an kal baw a, ni hnih ruai an ṭheh a, chhangban ruai an siam baw. Thlarau leh tisa lamah an hlím hle. Centenary thilpêk petu mimal leh kohhran leh Pathian chungah lawmthu an sawi a ni.

“Tîn, hei hi in tân chhinchhiaha tûr a ni; nausên puana tuam, ran chaw pênka thlênga mu in hmu ang,” a ti a. - Luka 2:12

SEC Vawi 247-na thurêl chhunzawmna...(Phêk 2-naa mi zawm)

Lalbiakmawia leh Upa Lalramthanga te ruat an ni a; MPF ngenna bawhzuiin MPF General Secretary (2014–2016) atân Upa F. Lalremthanga ruat a ni baw.

12. Manipur Synod General Assembly Administrative Unit (MPSGAAU) chungchânga SEC thu lo rêl tawh thenkhat chu PCI hotute ngenna avâng leh anmahni lam aṭanga ngaihdam dîl na lehkhaw dawn a nih avângin tihdanglam leh deuh a ni a; hetiang hian rêl a ni:-

- (1) MPS hruaitute mi panga an ordination hlîp tûra Synod-a thlen lo rêl tawh chu ngaihdam an dîl na avângin Synod-a thlen loh tûra tih a ni.
- (2) Synod House, Imphal-a Mizoram Presbyterian Kohhran Synod main building tih loh, Synod hmunhma dang chu MPSGAAU enkawl nân PCI General Assembly-in hmang hawh sela.
- (3) Sum leh paia dâwm zui thu leh ram hawhtîr chungchânga um zui ngai awm apiang chu OM-in fîmkhur takin lo hma sela.
- (4) Unit Committee member atâna SEC-in a lo ruat tawhte SEC 245:27(4)-in “tel rih lo se” a tih chu sûtin tel zui tawh tûra tih an ni.

13. Synod Executive Secretary-te hna chanpual tûr siam thar a ni.

14. Wales Kohhranin June 2014-a Music Festival buatsaih an tumah Mizoram Synod Choir-te an rawn sâwm a; Central KTP-in Synod Zaipâwl member-te kalna sênso tûr budget-a dah an dîl angin budget-ah chêng nuai 15 dah remtih a ni.

15. Serampore Convocation atâna sum mamawh dîl na dawn a nih angin

chêng nuai hnih pêk remtih a ni.

16. Mizoram Presbyterian Kohhran Synod-in thawhhona thuthlung ziahpuia a lo thawhpui tawh, thawh ho hun chung (term) a ral avânga ngaihtuah thar ngai pahni- Zou Presbyterian Church Synod, Manipur leh Presbyterian Church in Bangladesh te nên thawh ho zui zêl tûra tih a ni a; Partnership Committee-in a ṭul anga a lo bawhzui tûra dah a ni.

17. Prescom Board aṭanga thu lût, Lawngtlaiah Synod Bookroom hmun lei nâna sum dîl na dawn chu kumin budget aṭangin Finance Committee-in chêng nuai 25 pêk dân kawng lo zawng se, tih a ni a; khâwl thar pathum leina tûr (chêng nuai 86 man) budget-a dah an dîl chu 2014–2015 budget-a dah remtih a ni baw.

18. Kum 2017-a Puitling Sunday School zir tûr, Thupuan Hrilhfianna ziaik tûrin MSSU Committee-in Rev. Lalramliana Pachau an thlan thu SEC-in a dawng a; ruahmanna hi a ṭha e, tih a ni.

19. SL&PB Enkawil dân en ṭhat tura rawt a nih angin an dinhmun en ṭha tûr mi panga ruat an ni.

20. IKK General Headquarters, Aizawl, Mizoram (IKK sen)-in Naupang Hla Bua hla 148 chhut nawn an dîl chu phalsak an ni.

21. Campus Ministry rawngbâwl na atân Aizawl khawpui chhûngah outreach counselling atân in luah an mamawh thu OM-in a thlen angin in luah remtih a ni a; Campus Ministry Sub-Committee bawh zui tûra tih a ni.

Heng bâkah hian Synod Inkhâwmpui 2013-a thlen tûr thil chi hrang hrang rêl a ni baw.

Kristian Diary hi i hre ngai em? Ni tin hun hman dân pawimawh ziahna bâkah a hma lamah rawngbâwl tu leh kohhran mite tâna hriat mâkmawh thil chi hrang hrang (information) pêk 47 lai a awm a, hei ringawt pawh hi lei chhan tlâk a ni! A chhawr nahawm leh zual nân Pastor leh Pro Pastor-te biak pawh theihna (Cell phone nambar) hriat theih chin 435 zet dah a ni baw. Lo hmang ve teh, i zawngchhang ngei ang. Synod Bookroom-ah ₹ 130-in zawrh a ni e. www.mizoramsynod.org